

schwefelte/oder auß dem stein schwefel vnd metall/sollen sie in gleichen töpffen  
 gsorten werde/aber im boden durchlöchert/der ofen soll also gmacht sein. Bey  
 mauren der hütten sollen zwei ziegel wände auffgericht werden/die sieben werck-  
 schüh hoch/drey werckschüh lang/anderthalbe werckschüh dick seindt. Dise sol-  
 len von einander bey sieben vnd zwenzig werckschüh sein/zwischen welche auch  
 sieben fürmeurlin auß ziegel gfürt sollen werden/die zweyer werckschüh vnd so  
 viel quärfinger hoch/aber gleich wie die wände/3 werckschüh hoch/ein werck-  
 schüh dick/sollen auch die wände mitt gleicher weite von einander vnder schei-  
 den sein/mitt welcher weise eine vonn der anderen dritthalben werckschüh sein  
 wirdt. In sein oberteil sollen stabeisen geschlossen sein/welche die blatten hal-  
 tendt/drey werckschüh lang vnd breit/ein quärfinger dick/das sie nicht al-  
 lein den last der töpffen/sonder auch der gwalt des feurs tragen mögendt/der  
 jetliche sol in der mitte ein rontloch haben/das anderthalbe quärfinger weit  
 ist. Diweil aber nicht mehr dan acht sein mögen/sollē inen so viel töpffen so im  
 boden durchlöchert auffgelegt werde/vnd so viel ganzer töpff vndergsetzt wer-  
 den/dise sollen die gemischte dinge halten/vnd mitt deckeln zügedeckt werden:  
 dise sollen das wasser/vnd der töpffen mundlöcher bey den blatten berühren/die  
 vermischte ding/so vmb die oberen töpff holz gelegt vnd angezündt ist/ge-  
 kocht/geben vonn sich roten oder gälten oder grünen schwefel/welcher so durch  
 die löcher herab fleusst/die töpff die auff die blattē gsetzt/auff fassen/welche  
 wasser bald erkaltet/so in vermischten dingen metall ist/so werden die selbigen  
 behalten vnd geschmelzet/so aber keins hinweg geworffen. Aber doch mag der  
 schwefel auß solchen vermischten dingen ganz woll herauß gebracht werden/  
 wan die oberen töpffen also in den gwelbten ofen gsetzt werde/wie dise/dorvon  
 ich dan im achten büch/da ich eben disem handel von des metals wegen/das in  
 ihnen ist/vor mir hatt/gsagt hab/das eben dise auch kein boden ha-  
 bendt/vn das in inen gatter gsetzt/die vnderen aber je-  
 nen auff dise weiß vndergsetzt werden/aber  
 es muß ein jede blatten ein weit-  
 ter loch haben.

Die langē mawr A. Hohe mauren B. Fürmeurlin C. Blatten  
 D. Die obere töpffen E. Die vnderere töpffen F.

Die

Handwritten notes or bleed-through from the reverse side of the page.

Small handwritten mark or number.